

民國期刊資料分類彙編

名人年譜



圖 國家圖書館出版社

民國期刊資料分類彙編

名人年譜

第六冊



國家圖書館出版社

第六冊目錄

鄭叔問(文焯)先生年譜 戴正誠 《同聲月刊》一九四〇年十月——一九四二年四月第一卷

第十一——十二號,第二卷第一——四號

讀《王荊公(安石)年譜考略》 慕鳳 《責善半月刊》一九四〇年十一月第一卷第十七期

范蔚宗(曄)年譜 張述祖 《史學年報》一九四〇年十二月第三卷第二期

《章實齋(學誠)年譜》補正 吳孝琳 《說文月刊》一九四〇年十二——一九四一年三月

第二卷第九——十二期

陳龍川(亮)年譜 左景權 《圖書月刊》一九四一年一月第二卷第一期

章太炎(炳麟)年譜 高景成 《文學年報》一九四一年六月第七期

江都焦理堂(循)先生年表 范耕研 《斯文半月刊》一九四一年六、七月第一卷第十七、十八期

賈島年譜 李嘉言 《清華學報》一九四一年十月第十三卷第二期

鄭子尹(珍)年譜 童養年 《圖書月刊》一九四二年二月第一卷二期

文芸閣(廷式)先生年譜 錢萼孫 《同聲月刊》一九四二年十二月——一九四三年一月

第二卷第十一、十二號

范石湖(成大)事蹟繫年長編 北壬 《東方文化》一九四三年一、二月第二卷第一、二期

張蒼水(煌言)先生事狀 王蘧常 《大眾》一九四三年二、三月第二、三期

三五八七

三六四七

三六五三

三六七四

三七五三

三七五六

三七七〇

三七八〇

三八一〇

三八一三

三八七〇

三八八一

《黃公度(遵憲)先生年譜》補正	錢萼孫	《真知學報》一九四三年六月第三卷第二期	三八九一
王勃年譜	閻崇璩	《師大學刊》一九四三年六月第二集	三九〇五
王文敏公(懿榮)年譜	王崇煥	《中和》一九四三年七月第四卷第七期	三九二一
周濂溪(惇實)年譜	許毓峰	《中國文化研究匯刊》一九四三年九月第三卷	三九三七
曾南豐(鞏)先生年譜	毓	《圖書季刊》一九四三年九月、十二月新四卷第三、四期	三九八七
張煌言年譜	畸人	《圖書季刊》一九四三年九月、十二月新四卷第三、四期	三九八八
鄭子尹(珍)年譜	畸人	《圖書季刊》一九四三年九月、十二月新四卷第三、四期	三九八九
洪秀全金田起義前年譜	毓	《圖書季刊》一九四三年九月、十二月新四卷第三、四期	三九八九
萬年少(壽祺)先生事蹟彙輯	段拭	《真知學報》一九四四年一月第三卷第三、四期	三九九一
南宋編年史家二李(李燾、李心傳)年譜	方壯猷	《說文月刊》一九四四年五月第四卷	四〇三三
唐元次山(結)先生評傳年譜	孔德	《說文月刊》一九四四年六月第四卷	四〇六一
顏之推年譜	繆鉞	《真理雜誌》一九四四年十月第一卷第四期	四〇八四
韓世忠年譜	《圖書季刊》	一九四四年十二月新五卷第四期	四〇九六
楊淇園(廷筠)先生年譜	《圖書季刊》	一九四四年十二月新五卷第四期	四〇九七
張文襄公(之洞)年譜	《圖書季刊》	一九四四年十二月新五卷第四期	四〇九七
《董子(仲舒)年表》訂誤	施之勉	《東方雜誌》一九四五年十二月第四十一卷第二十四期	四〇九九
崔清獻公(與之)年譜	賀次君	《廣東建設研究》一九四六年八月第一卷第一期	四一〇二
石濤(朱若極)年表	俞劍華	《草書月刊》第二期第三、四期一九四七,五—七	四一一二
石濤上人(朱若極)年譜	傅抱石	《京滬週刊》一九四七年十、十一月第一期	四一二三
王西莊(鳴盛)先生年譜(附序)	黃文相	《輔仁學誌》一九四七年十二月第十五卷第一、二期	四一四九

《賈島詩注》與《賈島年譜》	岑仲勉	《學原》一九四七年十二月第一卷第八期	四一八九
王徵先生簡譜	宋伯胤	《上智編譯館館刊》一九四八年二—四月第三卷第二期，第三卷第三、四期合刊	四一九八
張穆《亭林（顧炎武）年譜》訂補	趙儷生	《學原》一九四八年五月第一卷第十二期	四二一二
陶淵明年譜稿	逯欽立	《國立中央研究院歷史語言研究所集刊》一九四八年六月第十八本	四二一六
顏延之年譜	繆鉞	《中國文化研究彙刊》一九四八年九月第八卷	四二四二
館藏歷代名人年譜集目	汪閻	《中央大學國學圖書館第二年刊》一九四九年十月	四二六四
譜主索引			四二九五

鄭叔問先生年譜

江北戴正誠編

叔問先生。以蘭錡世胄。絕意進取。佐幕江南。樂吳門山水之勝。卜築於吳小城舊址。以金石書畫自娛。極意填詞。兼精樂律。所著大鶴山房全書。版行已久。晚近詞家之當行出色者。蓋未能或之先也。身後蕭條。遺書散盡。其婿戴亮吉君。曾爲編次年譜。揭載於上海出版之青鶴雜誌。未數期卽中斷。譚近代詞壇雅故者。引爲大憾焉。友人東莞張次溪（江裁）先生。頃出戴君原稿見示。謂於亂後得之金陵書肆者。戴君原任財政部科長。與予亦素稔。此殆於戎馬倉皇中不及攜去。遂致散落。幸全帙完好。開卷如見故人。然非次溪之留心文物。而又喜揚人之善。其不爲市井中人拉雜摧燒之者幾希。予既請於次溪。錄副以載本刊。并附紀因緣如此。中華民國三十年十一月一日。萬載澍沐助謹識。

先生名文焯，字俊臣。號小坡。又號叔問。別號瘦碧。又號大鶴山人。姓鄭氏。（案先生祖籍漢北海郡高密縣通德里。爲鄭康成之裔。其九世祖國安。於清初編入正白旗漢軍籍。至先生應會試。請冠本姓入試。遂復姓鄭氏。）九世祖國安。前清開國時。爲關東海島鎮守協鎮。從龍入關。晉贈振威將軍。八世祖思民。以佐領兼管鑾儀使。誥贈光祿大夫。七世祖璉。兵部侍郎。戶部尚書。兼總管內務府大臣。誥

授光祿大夫。康熙二十三年。扈駕謁東陵。禮成。御書眉壽堂扁額以賜。六世祖從義。員外郎。晉贈榮祿大夫。五世祖禪寶。浙江按察使。河南布政使。山東布政使。署理山東巡撫。總管內務府大臣。(時陝井不靖。曾奉欽差。會同左都御史史貽直。侍郎杭奕祿。率領翰林院庶吉士等齎諭前往二省。開導訓諭。覺悟愚蒙。)誥授榮祿大夫。高祖成德。二品廕生。主事。晉贈榮祿大夫。曾祖鶴年。內務府主事。晉祖母氏張。晉贈一品夫人。祖普安。江南織造處。兼管龍江關稅務。鑲黃旗正黃旗公中佐領。管理新陳槍營。咸安宮官學。景山官學。總理工程處武英殿御書處事務。晉贈榮祿大夫。祖母氏丁。晉贈一品夫人。本生祖普明。江南織造筆帖式。晉贈榮祿大夫。本生祖母氏張。晉贈一品夫人。考瑛榮。字蘭坡。長蘆鹽運使。河南布政使。兵部侍郎。兼都察院右副都御史。巡撫河南地方。兼理提督。節制各鎮。兼署河南山東河道總督。陝西按察使。陝西布政使。陝西巡撫。提督軍務。督辦河南陝西兩省軍務。河南陝西兩省團練大臣。陝西閱兵大臣。頭等侍衛。科布多參贊大臣。山西按察使。兼署布政使。誥授榮祿大夫。振威將軍。母氏李。繼母氏周。均誥封一品夫人。庶母氏陳。贈一品夫人。鄭氏世代簪纓。及蘭坡先生。績學淹雅。金石書畫。鑒藏甚富。先生之學。蓋有淵源矣。

咸豐六年丙辰(一八五六)

七月二十八日。先生生於大梁節署。因名豫格。時先生父蘭坡先生官河南巡撫。

咸豐七年丁巳（一八五七）

妹貞儀夫人生。

咸豐八年戊午（一八五八）三歲。

蘭坡先生充河南戊午帶補乙卯科文鄉試監臨。武鄉試主考。

咸豐九年己未（一八五九）四歲。

蘭坡先生充河南己未恩科文鄉試監臨。武鄉試主考。

咸豐十年庚申（一八六〇）五歲。

蘭坡先生調任陝西巡撫。先生隨之長安。

咸豐十一年辛酉（一八六一）六歲。

蘭坡先生充陝西辛酉科文鄉試監臨。武鄉試主考。庶母弟小舫（文燮）先生生。

同治元年壬戌（一八六二）七歲。

先生入學讀書。是歲蘭坡先生以回匪倡亂。罷官回京。行至山西蒲州府。以道路梗塞。全家即僑寓於此。

同治三年癸亥（一八六三）八歲。

先生有兄幼蘭（文煥）卓峯（文炳）先生。是歲蘭坡先生爲其昆季聘請江甯廩貢生顧曉帆（大昕）設帳課讀。

同治三年甲子（一八六四）九歲。

庶母弟少蘭（文所）先生生。

同治四年乙丑（一八六五）十歲。

同治五年丙寅（一八六六）十一歲。

蘭坡先生挈眷由蒲州府遷居河南彰德府。

同治六年丁卯（一八六七）十二歲。

同治七年戊辰（一八六八）十三歲。

先生天資卓絕。幼學善問。少時即儻見志節。爲文奇傑。課餘且喜作繪事。（見先生行述）蘭坡先生喜收藏。先生六歲時。見壁懸畫軸。即知捉筆臨摹。十二三歲。輒以指頭代筆。凡花鳥山水人物。著手立就。（節錄瘦碧庵叢話）蘭坡先生雅善丹青。至是酬應諸作。多命先生代筆。

同治八年己巳（一八六九）十四歲。

蘭坡先生挈眷由彰德府遷回通州新城北後街本宅。旋引見。賞給頭等侍衛。授科布多參贊大臣。以道

遠不攜眷。僅命從姪息齋文燕先生隨赴任所。

同治九年庚午（一八七〇）十五歲。

先生母周恭人卒。先生哀毀逾恆。絕食累日。（見先生行述）蘭坡先生辭官歸。

同治十年辛未（一八七一）十六歲。

同治十一年壬申（一八七二）十七歲。

同治十二年癸酉（一八七三）十八歲。

服闋。妹貞儀夫人適實錄館副總裁景融德椿先生之長子戶部員外郎鍾山（毓秀）先生。補梅書屏詩藁。編古今體詩爲癸丙集。從是年起。訖丙子三月。

同治十三年甲戌（一八七四）十九歲。

蘭坡先生挈眷由通州遷居北京鑼鼓巷後圓恩寺新置家宅。

光緒元年乙亥（一八七五）二十歲。

秋。應順天鄉試恩科。中式第二百六十六名。保和殿覆試。欽定一等第十三名。座主徐蔭軒相國（桐）。殷譜經尙書（壽鏞）。崇文貞公（綺）。毛文達公（昶熙）。房考陳汝庵太傅（寶琛）。試題有德者必有言四句。陳其宗器三句。老吾老至天下可運於掌。賦得爽氣朝來萬里清。得秋字。房考判其

文曰。樸實說理。風骨清遒。斯爲大家。舉止有次。有典有則。不蔓不支。抑揚頓挫。靈氣往來。是本寫渠成之候。評其詩曰。芊眠秀麗。雅韻欲流。幼蘭先生亦本科薦卷。是科同榜者。得三殿撰。一曹鴻勛（竹銘）。一黃思永（慎之）。一陳冕（灌蓀）。皆先生至契。（嘗見先生家藏三人楷書各數頁。先生題書曰。乙亥一榜中。得三殿撰。爲二百餘年未有之盛。竹銘同年實發其端也。此其乙丑歲所書。猶見當時精銳之氣。近年竹銘頗習章草。作詩賦亦駿駁入古。題黃書曰。余與慎之同年交最久。其所書得之亦最夥。憶庚辰秋。邂逅淞南酒次。嘗與論往事。慎之謂近日索書者至集。而書法實不如昔。兩徇俗好耳。渠本專臨歐書。端嚴有度。旋見竹銘可莊諸君所書。遂棄其素學。一意效之。豈得大魁天下。近數科以苦力擢得狀元者。慎之一人而已。此乙丑夏爲余書者。自謂老荒。而筆味清勁。頗少館閣習氣。但無秀潔之致。亦年爲之爾。凡學書不可寫到十分佳處。既天目神。且戔銳氣。到有有用時。反自矜持。易於得過。非若臨古人碑帖。老而彌精。足傳千古也。題陳書曰。丁丑春。袁小塢侍郎。擬試同人書楷於宣南嵩雲草堂。始見灌蓀同年書法精妙。迨癸未科廷試第一。書名大噪。已丑。余試都堂。僦城東李氏宅爲小寓。距灌蓀居才咫尺。晨夕過從。與之討用筆之法。則極言生平書不擇筆。京師良筆工所製。亦嘗用之。無一得手。或其有不傳之祕耶。此書卽已丑歲考差前數日作。時余下第。將重遊吳中。灌蓀所錄之文。亦足慰余嚮望矣。）其他同年如易仲實（順鼎）。馮夢華

(煦)。張次珊(仲忻)。况夔生(周儀)。王夢湘(以愨)。顧漁磯(瑣)諸公。尤生平文字深交。

光緒二年丙子(一八七六)二十一歲。

夏。蘭坡先生陳臬山右。先生侍奉之任。冬。蘭坡先生權藩篆。值晉豫饑饉。籌振饑。日夜憂勞。致患中風之症。先生侍進湯藥。晝夜不稍懈。患稍痊可。(見先生行述)補梅書屋詩藁。從本年四月起。至丁丑二月。編古今體詩爲春蕪集。

光緒三年丁丑(一八七七)二十二歲。

春應會試。薦卷不第。留京。冬。娶張宜人。宜人字眉君。熱河正總管秀峯先生(毓泰)之長女。才茂德懿。工繪事。善琴操。(先生詩云。琴生却喜問妻知。蓋實錄也。)張子苾(祥齡)太史之配曾季碩(彥)贈詩云。眉君秉文秀。幽芳皎自持。素心不求和。衆美自附隨。鼓琴說良匹。卷衣承願思。婉柔循所職。四德亮無虧。足知其賢矣。與先生伉儷甚篤。補梅書屋詩藁。從本年三月起。至戊寅五月。編古今體詩爲松楸集。

光緒四年戊寅(一八七八)二十三歲。

春。蘭坡先生以病告歸。行至平定州逝世。先生聞訃。哭不成聲。咯血升餘。(見先生行述)時山西

巡撫爲曾忠襄公（國荃）。奏陳蘭坡先生在位政績。請許靈柩入京治喪。特旨報可。補梅書屋詩集。
從本年六月起。至巳卯正月。編古今體詩爲夢餘集。

光緒五年巳卯（一八七九）二十四歲。

春。蘇蘭坡先生於京西門頭溝大裕邨。蘭坡先生在官三十年。去官十五年。家赤貧。匄貸無路。每事阻及節迫。往往使老婦攜書畫折閱。初未嘗計及子姓。（見先生家書）歿後。先生昆季皆有謀四方之志。秋初。幼蘭先生赴吉林銘鼎臣（安）將軍文案之聘。先生作詩送之。（見大鶴山人詩集中）冬十月。先生將就食上谷。未果。因成有會而作詩一首。凡一百二十八字。（見大鶴山人詩集中）

鄭叔問先生年譜續

江北戴正誠編

光緒六年庚辰（一八八〇）二十五歲。

吳子健中丞（元炳）方撫蘇。聞先生名。挽李文正公（鴻藻）。毛文達公（昶熙）。聘致幕府。春。先生偕張宜人赴蘇州。卜居喬司空巷潘氏西園。時德清俞曲園先生（樾）居馬醫科巷春在堂曲園。於先生爲父執。先生執禮晉謁。並出蘭坡先生所作口袋和尚畫幀求題。（曲園題云。余前奉使中州時。蘭坡中丞適爲方伯。過從甚密。有異姓昆弟之約。及余罷歸。仕隱異途。遂疏音問。計自夷門一別。至今三十餘年。余既衰老。而中丞久歸道山矣。光緒庚辰歲。哲嗣小坡孝廉。訪我於吳下春在堂。見故人之子。如見故人。又得從故人之子。讀故人之畫。何其幸也。此畫神趣天然。頗極筆墨之妙。歎喜讚歎。而作偈語。筆墨遊戲。而有禪意。髣髴頭跳足。垂眼臨鼻。如聞其聲。願言則嚏。傳示子孫。實利吉利。）秋。偕張宜人游武林。汎舟西湖。（先生有詩云。袖底烟雲重拾起。担頭風月與平分。）適俞曲園先生亦來。寓湖濱俞樓。先生往候之。因導謁彭剛直公（玉廬）。小住於退省庵。（已刻大鶴山大詩集中。有贈水軍彭帥三十四韻。）又爲書詩窩橫額以贈。（先生詩窩記云。詩窩者。俞丈巾由爲余題吳下寓廬也。夫以余家無半畝之居。萍寄江湖。兩鈍足迄尠佳著。時放浪空青頑碧間。興之

辨至。發爲詠歌。是無地無吾詩也。笑以窩名爲。老子曰。人生天地間寄耳。然則余之詩窩。亦盈天地間所寄乎。日月相代。去就矯起。異日買山江南。坐臥萬卷。手一編。從鱸魚以乞殘飽。寒舊巢痕。歷歷如夢中事。則是窩也。謂爲吾詩之傳舍也可。謂爲吾詩之息壤也亦可。桐城金石家吳庭康大令（康甫）時居杭。先生夙慕其名。訪之。晤談甚懽。贈龍眠老人歌一首。（見大鶴山人詩集中）補梅書屋詩藁。從本年起。編古今體詩爲扁舟集。

光緒七年辛巳（一八九一）二十六歲。

服闋。春。幼蘭先生自吉江計偕還都。先生得書。却寄二首。（詩稿見扁舟集中）。旋幼蘭先生以知府分發河南。少蘭先生亦以知縣分發山西。先生性好山水。吳中名勝。游跡殆遍。因得與太湖丞傅星樸（懷祖）。安山岷高上人。瑞蓮庵鑑中長老。虎邱雲間禪師。寓蘇日本本願寺僧小泉蒙長老等訂交。秋夢游石芝嶺。有詩紀其事。（詩并敘載大鶴山人詩集中）。其以瘦碧名集。自號鶴道人。或大鶴山人。皆因夢境云然。并倩名畫家顧若波君（澐）爲繪石芝詩夢圖。徧徵作家詩詞。題者有俞曲園先生（樵）. 王壬秋先生（闓運）。沈中復中丞（秉成）。及其配嚴永華夫人（少藍）。（夫人詩已載其家刊讀硯廬詩鈔）。彭翰孫先生（南屏）。及其配吳清蕙夫人。李眉生方伯（鴻裔）。黃子壽方伯（彭年）。錢中樞大令（葆青）。費昶懷太史（念慈）。吳昌碩大令（俊卿）諸公。（正臧案。湘綺題

最饒風趣。其詞曰。凡夢必由想。有乘車入鼠穴者。亦想所致也。塵人必無仙夢。終身無此想而已矣。余於功名無所羨。而獨慕關雎。自知終不能得。嘗爲詩曰。朝廷恩例出中使。羣臣不用誇親賢。若漢武之求仙。情見乎詞。叔問以內府世臣。不樂從仕。問其故。則曰。酬接實難。性不堪也。嗟夫。孔子欲爲執鞭之士。而又視不義富貴者如浮雲。內差致富。不至不義。而榮於執鞭。叔問誠能浮沈十年。凱得之矣。乃遂巡不顯者。無塵心也。何必仙夢然後決哉。乃其心仙。則其夢仙。石芝瘦碧。隨所寓而皆是。若必其境然。然則海上神山。金宮銀闕。近人以爲卽大西洋島之精室。烏知其中人皆腥臊而技巧者哉。既覽斯圖。并和斯作。詩曰。人生安所居。樂游清曠間。山水寄幽深。石竹媚便娟。斯境衆所同。殊者俗與仙。自非罕書趣。榛榛失其研。清鶴偶一聲。寥想出雲天。卽此知子真。何言夢乃然。其他詩詞過長。不及備錄。自此作詩名瘦碧庵詩藁。不用補梅書屋名矣。

光緒八年壬午（一八八二）二十七歲

鄧人李復天君（廷璧）。精於琴律。得浦城祝鳳喈祕傳。先生從之討論古音。大悟四上競氣之指。於樂紀多所發明。先生工於詞而又深於律自此始。（是歲先生有贈李詩云。愁殺浦城遏雲處。三招幽恨寄冥鴻）。蘇州圓妙觀彌羅寶閣。燬於洪楊之亂。至是年。浙人胡雪巖（光墉）。爲其母祈福。捐貲興復。請先生爲撰碑記。李眉生方伯書丹。俞曲園先生篆額。（碑文云。彌羅寶閣者。故明周文襄公

藥以登道廳者也。巋然八枹。廓然重簷。千駟萬奏。靡不周旋。形家以鎮郡中央。有文明利器之說。代不滅焉。逮萬曆而燬於火。我朝康熙嘉慶世。再廢再起。會咸豐庚申吳會之陷。燬及閣之東北翼。殞風滲雨。日就圯圻。故所巋然廓然者。垂夷爲榛莽荒翳之墟。寇平越十數稔。莫之完繕。歲壬午。泉唐胡觀察。以母壽。思有所祈報。以答靈貺。翼然復而新之。捨金三萬。遂經始。既塗既茨。益以丹雘。不期年而工蒔。嗚呼偉矣。夫先王之道。明以昭禮樂。幽以治鬼神。使非清淨之教。爲之闢正覺。揭功德。端貫而旁通。吾其懼天下之財力。靡以製之。熾而盈者且侈而溢。孝慈仁義之道。卒彌彌其失。莫由鼓舞而相繼。又况萬物之揄棄淪毀者。苟任其磨盪於天地之間。而無人焉起而振之。則萬物一敗不復成。安得如老子所謂弊而復新者哉。余私識胡君於漸江。習其人抗爽挺義。樂施尤篤。素年猛志西北賑事。惕矚振業。全活亡算。得毋以壽斯民者壽其母耶。譚子曰。大義無狀。大恩無象。大義成。不識者荷之。大恩就。不知者報之。然則斯閣之成。其爲祈報以答靈貺者。抑所謂幽以治鬼神。使先王之道。游乎清淨之教中。而人不識也。吾故偉其義而爲之記。蘇臬許星台（廉訪）宣會。舊植木芍藥。忽著甌碧色。古豔奇香。藹映闌薄。爰集俊侶。幾遍吳越。先生詠七言律十首。（詩見大鶴山人詩集中）。是歲。幼蘭先生榷周家口稅務總辦。

光緒九年癸未（一八八三）二十八歲。